

## კვლევების დაფინანსების საჯარო, გამჭვირვალე და სამართლიანი პროცედურები

### გრანტის გამოცხადება I ეტაპი:

1. საგრანტო ნომინაციის საპროექტო წინადადებების გამოცხადების დროს თავდაპირველად უნივერსიტეტის საიტზე განთავსდება განცხადება;
2. საგრანტო ნომინაციის საპროექტო წინადადებების (შემდგომში - პროექტი) მიზანია საქართველოს ტექნიკურ უნივერსიტეტში (შემდგომში - უნივერსიტეტი) სამეცნიერო პოტენციალისა და კვლევების ხარისხის, თანამშრომელთა და სტუდენტთა ინტელექტუალური, შემოქმედებითი მოღვაწეობის ამაღლების, მეცნიერების განვითარებისა და მისი კომერციალიზაციის ხელშეწყობა.
3. პროექტის წარდგენა შეუძლია უნივერსიტეტის, მათ შორის დამოუკიდებელი სამეცნიერო-კვლევითი ერთეულის თანამშრომელს. განმახორციელებელი ჯგუფის წევრი შეიძლება იყოს მხოლოდ უნივერსიტეტის თანამშრომელი და სტუდენტი.
4. პროექტის ხანგრძლივობა, როგორც წესი, არ უნდა აღემატებოდეს 12 თვეს.
5. პროექტების განხორციელებას ყოველწლიურად აფინანსებს უნივერსიტეტი ან ფაკულტეტი საკუთარი ბიუჯეტიდან. გარდა ამისა, პროექტები შესაძლებელია დაფინანსდეს კანონმდებლობით დაშვებული სხვა წყაროდან.
6. გამარჯვებული პროექტების გამოვლენა ხდება კონკურსის საფუძველზე, რომელსაც ატარებს საკონკურსო კომისია (შემდგომში - კომისია). კომისიის თავმჯდომარეა უნივერსიტეტის რექტორის მოადგილე სამეცნიერო დარგში.
7. უნივერსიტეტის რექტორის ბრძანებით კომისიის შექმნის და კონკურსებთან დაკავშირებული სხვა სამართლებრივი აქტების გამოცემის უფლებამოსილება ენიჭება რექტორის მოადგილეს სამეცნიერო დარგში. კომისია იქმნება ერთჯერადად, კონკრეტული კონკურსის მოწყობის მიზნით. მის შემადგენლობაში, როგორც წესი, შედიან: უნივერსიტეტის ხარისხის უზრუნველყოფის სამსახურის ხელმძღვანელი, მეცნიერებისა და კომერციალიზაციის დეპარტამენტების უფროსები, ფაკულტეტის მიერ პროექტის დაფინანსების შემთხვევაში ამ ფაკულტეტის დეკანი და ფაკულტეტის წარმომადგენლები დეკანის წარდგინებით და სხვები. თავმჯდომარეს უფლება აქვს კომისიის სხდომაზე მოიწვიოს წარმოდგენილი პროექტების თემატიკის პროფილის სპეციალისტები და უნივერსიტეტის სხვა თანამშრომლები.
8. კომისიის უფლებამოსილების ვადა განისაზღვრება მის მიერ გამოვლენილი გამარჯვებული და დაფინანსებული პროექტების განხორციელების დასრულებამდე.
9. კონკურსს აცხადებს უნივერსიტეტის რექტორის მოადგილე სამეცნიერო დარგში საკუთარი ინიციატივით ან შესაბამისი ფაკულტეტის დეკანის წინადადების საფუძველზე. კონკურსის თემატიკა განისაზღვრება უნივერსიტეტის საჭიროებიდან გამომდინარე ან პროექტების ავტორების წინადადებებით.

10. კონკურსის მოწყობის შესახებ გამოქვეყნებულ განცხადებაში მითითებული უნდა იყოს წარსადგენი დოკუმენტების ნუსხა (თუ აუცილებელია, მათი ფორმა და შინაარსი), წარდგენის ვადები და ადგილი, საკონტაქტო ინფორმაცია და სხვა აუცილებელი პირობები.
11. პროექტების წარდგენა იწყება კონკურსის გამოცხადებიდან არანაკლებ 15 სამუშაო დღის გასვლის შემდეგ და გრძელდება არანაკლებ 5 სამუშაო დღის განმავლობაში.
12. წარმოდგენილი პროექტების განხილვა და გადაწყვეტილებების მიღება კომისიამ უნდა დაასრულოს მაქსიმუმ ერთ თვეში, პროექტების წარმოდგენის ვადის გასვლიდან.
13. კომისიის სხდომა უფლებამოსილია თუ მას ესწრება წევრთა სიითი შემადგენლობის 2/3.
14. პროექტების შეფასება ხდება დადგენილი წესითა და კრიტერიუმებით. შეფასების კრიტერიუმები უშუალოდ უნდა იყოს დაკავშირებული პროექტების ხარისხთან და კომისიას მათი ობიექტური შეფასებისთვის უნდა ჰქონდეს აუცილებელი ინფორმაცია. მიზანშეწონილია კრიტერიუმები მოიცავდეს შემდეგ საკითხებს: პროექტში დასმული პრობლემის აქტუალურობა, შედეგების გამოყენების რეალურობა და მდგრადობა, შესაქმნელი პროდუქტის საბაზრო პერსპექტივები და კონკურენტუნარიანობა, პროექტის ხელმძღვანელის და სხვა ძირითადი შემსრულებლების კვალიფიკაციის, ცოდნისა და გამოცდილების შესაბამისობა პროექტში დასახულ ამოცანებთან და სხვა.
15. კომისია უფლებამოსილია წარმოდგენილ პროექტთან დაკავშირებით გაესაუბროს პროექტის ხელმძღვანელს ან პროექტის განმახორციელებელი ჯგუფის სხვა უფლებამოსილ წევრს.
16. კონკურსის შედეგებს კომისიის თავმჯდომარე აცნობებს პროექტების ხელმძღვანელებს და უნივერსიტეტის ვებგვერდზე აქვეყნებს კონკურსის დასრულებიდან სამი დღის ვადაში.
17. გამარჯვებული პროექტები, შესაბამის დოკუმენტებთან ერთად, გადაეცემა უნივერსიტეტის ადმინისტრაციის ხელმძღვანელს წარმომადგენლობითი საბჭოს (სენატის) სხდომაზე დასამტკიცებლად გატანის მიზნით. სენატის მიერ კომისიის გადაწყვეტილების დამტკიცების შემდეგ უნივერსიტეტი პროექტის ხელმძღვანელთან აფორმებს ხელშეკრულებას. ხელშეკრულების ფორმა თან ერთვის.
18. საგრანტო ხელშეკრულების რეგისტრაციას, აღრიცხვასა და შენახვას ახორციელებს უნივერსიტეტის მეცნიერების დეპარტამენტი.
19. პროექტის ცალკეული ეტაპის დასრულების შემდეგ კომისია განიხილავს წარმოდგენილ ანგარიშებსა და მოცემულ ეტაპზე შექმნილ პროდუქტს. გადაწყვეტილება მიიღება განხილვის შედეგებისა და ხელშეკრულებით გათვალისწინებული პირობების საფუძველზე.
20. პროექტი დასრულდება კომისიის მიერ საგრანტო ხელშეკრულებით გათვალისწინებული ანგარიშებისა და შექმნილი პროდუქტის მიღების შემდეგ, რაც ფორმდება შესაბამისი ოქმით. უარყოფითი დასკვნის შემთხვევაში კომისია უფლებამოსილია პროექტის განმახორციელებელ ჯგუფს მისცეს გონივრული ვადა

აღმოჩენილი ხარვეზის გამოსწორებისათვის ანაზღაურების გარეშე. თუ დადგენილ ვადაში ვერ მოხერხდა ხარვეზის გამოსწორება ან დადგინდა, რომ ხარვეზის გამოსწორება შეუძლებელია, კომისია გადაწყვეტილებას იღებს პროექტის ხელმძღვანელი პირებისათვის, მომდევნო 5 წლის განმავლობაში, უნივერსიტეტის საგრანტო ნომინაციებში საპროექტო წინადადებების წარდგენის შეზღუდვის შესახებ.

21. კომისია უფლებამოსილია მიიღოს დასაბუთებული გადაწყვეტილება კონკრეტული პროექტის დაფინანსების გაგრძელების მიზანშეწონილობის შესახებ მიღებული შედეგების განვითარებისა ან დანერგვის მიზნით.
22. პროექტით შექმნილი პროდუქტი პროექტის ავტორთა და სტუ-ის ერთობლივი საკუთრებაა.
23. საჭიროების შემთხვევაში, სახელმწიფო, საერთაშორისო და სხვა კონკურსებში უნივერსიტეტის სახელით წარსადგენი საპროექტო წინადადებების განხილვას უზრუნველყოფს ამ წესის მე-5 და მე-6 პუნქტების მიხედვით შექმნილი კომისია.
24. ვებ გვერდზე იდება წარმოსადეგი დოკუმენტაციის გაფორმების წესი

- საკონკურსო კომისიის მიერ კონკურსის ორგანიზების ჩატარების და გამარჯვებული ნომინანტების გამოვლენის შემდეგ ახდენს შედეგების გამოქვეყნებას უნივერსიტეტის ვებ -გვერდზე
- 2010 წელს გამოცხადებული კონკურსის შედეგები :
  - [http://gtu.ge/Science/Competitions/?ELEMENT\\_ID=1743](http://gtu.ge/Science/Competitions/?ELEMENT_ID=1743)
  -
- 2011 წელს გამოცხადებული კონკურსის შედეგები:
  - [http://gtu.ge/Science/Competitions/?ELEMENT\\_ID=1747](http://gtu.ge/Science/Competitions/?ELEMENT_ID=1747)
  -
- 2013-14 წლის საგრანტო კონკურსის გამოცხადება :
- [http://gtu.ge/Science/Competitions/?ELEMENT\\_ID=1762](http://gtu.ge/Science/Competitions/?ELEMENT_ID=1762)

## II ეტაპი: გრანტის დასრულება

- საკონკურსო კომისია ახდენს შეფასებას დადგენილი კრიტერიუმების მიხედვით:
- კომისია გამოარჩევს კომერციული ღირებულების პროექტებს.

### საგრანტო პროექტის შეფასების კრიტერიუმები

	კრიტერიუმების დასახელება	ქულების დიაპაზონი			შეფასება
		სუსტი	საშუალო	კარგი	
	კვლევის სიახლე, მიზანი და ამოცანები				
1	ჩატარებული კვლევის შედეგები და მისი შესაბამისობა საგრანტო პროექტებით გათვალისწინებულ შედეგებთან	1-8	9-12	13-15	
2	რამდენად მკაფიოდ არის აღწერილი კვლევის შედეგები წარმოდგენილ ანგარიშში	1-7	8-10	11-13	
3	სამეცნიერო მიმართულებ(ებ)ისათვის შედეგების მნიშვნელობა	1-12	13-19	20-23	
4	კვლევის მეთოდების გამოყენების პერსპექტივები სასწავლო პროგრამაში	1-11	12-16	17-20	
5	კვლევის შედეგების დანერგვის	1-11	12-20	20-30	

	პოტენციალი				
6	კვლევის შედეგების ფასეულობა კომერციალიზაციის თვალსაზრისით	1-7	8-11	12-14	